

**“Denuncia dei redditi”:** cun osta firma sön la “denuncia dei redditi” o söl mod. CU podëise destiné l’8‰ ala Dlijia Catolica y cun chësc ester de gran aiüt ala Dlijia.

Implö pon destiné l’5‰ a val’atra organisaziun catolica o sozjala (Caritas, KVV, SAJ y.i.i. ince ai stüdafüch de Badia che á de dant l’codesc fiscal: 81010180214). Dër bel giulan.

**Referat “Me de ce”** cun Gregorio Rungger ai 21.04.2015 dales 20:00 te Ciasa de Palsa a S.Martin. Düc é dër bel inviá.

**Poem musical:** le Departimënt Educaziun y Cultura Ladina, adöm ales Scores de Musiga dles valades ladines, inviëia düc i interessá ala raprezentaziun musicala dl poem musical „Rundenì de lijëndes“, en vëndres, ai 24 de aurí dales 17:00 y dales 20:30 tl salf dla scora mesana de San Martin de Tor.

**Conzert dla müjiga de Badia:** düc é inviá al concert en sabeda, ai 25.04.2015 dales 20:30 te Ciasa Runcher.

**Porté picì mituns:** ai 22.04.2015 dales 10:00 ales 12:00 organisëia le Zënter Families Ergobando n curs da porté mituns da 0 - 3 mëisc. Prenotaziuns pro Sofia al tel. 338/7173577.

**Cursc de inglesc:** l’KVV de Badia organisëia ciamó chisc cursc: “Elementary” dai 04.05.2015 inant por disc iadi (lünesc y mercui / sëra) “Preintermediate” dai 05.05.2015 inant por 10 iadi (mertesc y jöbia /sëra). Infos y prenotaziuns al nr. 0471/839657 o 333/1591599 (Cristina).

Wenn einen Gott ruft,  
meint man bisweilen,  
es rufe bloß  
irgend ein Mensch.

Wenn einen Gott ruft,  
sieht es bisweilen  
so aus, als habe  
man bloß einen Traum

Wenn einen Gott ruft,  
muss er bisweilen  
noch zweimal rufen,  
bis man ihn hört

Josef Dirnbeck



VAL BADIA



## Usc dla Cüra BADIA

Tel./Fax 0471 839571 - E-Mail: [parrocchiabadia@libero.it](mailto:parrocchiabadia@libero.it) - [www.valbadiaonline.it](http://www.valbadiaonline.it)

Nr. 21

Edema: 19.04.– 26.04.2015

### Vangele dla Dumënia che vëgn - IV° de Pasca „B“

Jan. 10,11-18

Te chël tëmp á Gejú dit: iö sun le bun famëi. Le bun famëi dá ca súa vita por les bisces. Le fant tut sö a paiamënt indere, che ne n'é nia famëi y de chël che les bisces ne n'é nia, lascia les bisces sores y s'un sciampa canch'al vëiga gnon le lu; le lu les scherza y les sprigora indalater. Al s'un sciampa, ciodí ch'al é ma n fant a paiamënt y ciodiché les bisces ne ti un vel nia.

iö sun le bun famëi; iö conësci i mi, y i mi conësc me, sciöche le Pere conësc me y iö conësci le Pere; y iö dá ca mia vita por les bisces. I á ciamó d'atres bisces, che n'é nia fora de chësta stala;

ince chëres mëssi condüje y ares ascutará mia usc; spo saral ma un n pastorëc y un n famëi.

Porchël m'òl bun le Pere, deache iö dá ca mia vita, por la tó indó derevers. Degügn ne me la tol, mo i la dá ca de mia bona. I á la potesté de la de ca, y i á la potesté de la tó indó.

Chësta misciun ái ciafé da mi Pere.



## FUNZIUNS SACRES

### 19.04. III. DOMËNIA de PASCA – “Kassiansonntag”

- 09.00** Mëssa por la Comunità y benedisciun dla scola  
**18.00** †to Sepl Daprè - aniversar  
†to Siegfried Winkler  
†ti Tone y Rosina Pitscheider



### 21.04. Mertesc - S. Anselmo

- 19.30** †to Friedl Valentin  
†ta Clara Pescoller  
†ti Angela y Hermann Canazei

### 22.04. Mercui - Mëssa cun i scolars

- 07.30** †ti Manfred y Valire Moling  
ad intenz. a siur Heinrich Videsott  
por fam. Martin y Erna Irsara en ringraziament

### 23.04. Jöbia – Mëssa cun i cresimanc y studënc

- 19.30** †to Gottfried Piccolruaz  
†to Lois Irsara de Jan  
†to Gerhard Pescoller

### 24.04. Vëndres

- 07.30** †ta Maria Pescollderungg Dapunt - aniversar  
†ti Giuseppe y Maria Irsara da Castalta  
por les animes dl purgatore



### 25.04. Sabeda – S. Merch Evangelist

- 07.00** Prozesciun te paisc – S. Mëssa  
†ti Rudl y Teresa Valentini – aniversar  
†to Tone Irsara de Pescol / †ti Pitscheider da Oies  
**16.00** Mëssa a Oies

### 26.04. IV. DOMËNIA de PASCA – Dé mondial dles vocaziuns

- 10.00** Mëssa por la Comunità  
**14.00** Prozesciun a Oies por perié do vocaziuns  
**18.00** †to Ilario Valentin - aniversar  
†ta Carmela Thaler  
vis y †ti de Monica Saning

## Dala VITA dla CÛRA

**Benedisciun dla scola:** chësta domënia, ai 19.04.2015 sarál do la gran mëssa la benedisciun dla scola elementara nöia. Düc é dër bel inviá.

**Prozesciun a Oies :** en domënia, ai 26 de aurí dales 14:00 sarál indô la prozesciun a Oies y funziun por perié do vocaziuns.

**Referat :** l'Consëi de Cûra inviëia düc al referat de siur Sepl Granruaz « *Salm 129/130 – Iö sun tla crisa, ci fossel pa da fá ?* » en jöbia, ai 23.04.2015 dales 20:00 te Ciasa Runcher.



En mercui ai 22 de aurí se abina indô l'grup de oraziun “*Umes präia deboriada*”, dales 20.00 ales 21.00 te dljia. Düc é dër bel inviá a tó pert.

**Pelegrinaje:** ai 23.04.2015 vegnel organisé le “Landeswallfahrt dles Patrones cun les families a Unsere Liebe Frau im Walde”. Piun ia da S. Laurënz dales 06.45 cun la coriera. Prenotaziuns y altres informaziuns ciafëise da Rita Verginer al nr. tel 335/1019128.

**Pelegrinaje dles vëdues, vëdui y porsones sores** dl raiun da Bornech a Glurns te Vinschgau ai 25 de aurí 2015. Le iade cun marëna costa 36€. Le bus passa a San Laurënz dales 07:40. Präibel prenotesse cina ai 22 de aurí pro l'ufize dl KVV da Bornech al nr. tel.0474/411149.

**Iade a Santa Rita da Cascia ai 26 y 27 de má 2015:** ma por les “Rites” de düta la Val Badia. Präibel prenotesse cina ai 26 de aurí por odëi tan de interess ch'al é. Cost dl iade ca. 200€ Telefonede a Rita Verginer al nr. 335/1019128. Le program vëgn spo comuniché a so tëmp; ince siur degan laco Willeit vëgn para.



En mercui, ai 22.04.2015 complësc **Giovanna Canins Irsara** de Lista **82** agn. L'Seniorclub y düta la Comunità ti aoda düc l'bun, sanité y benedisciun de Dî.